

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

S L U Ź B E N I G L A S N I K

OPĆINE ZAVIDOVIĆI

1/98

od 3.2.1998.godine

SLUŽBENI GLASNIK IZDAJE:

Služba Općinskog vijeća Zavidovići

ODGOVORNI UREDNIK:

Hajrudin Katardžić, dipl.pravnik

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

S L U Ź B E N I G L A S N I K

OPĆINE ZAVIDOVIĆI

1/98

od 3.2.1998.godine

SLUŽBENI GLASNIK IZDAJE:

Služba Općinskog vijeća Zavidovići

ODGOVORNI UREDNIK:

Hajrudin Katardžić, dipl.pravnik

- 516 -

I - AKTI OPĆINSKOG VIJEĆA ZAVIDOVIĆI

Na osnovu člana VI-2(2) Ustava Federacije Bosne i Hercegovine, člana 70. stav 1. Ustava Zeničko-dobojskog kantona i člana 3. Statutarne odluke o organizaciji vlasti općine Zavidovići, Općinsko vijeće Zavidovići, na sjednici od 2.2.1998.godine, donijelo je

O D L U K U

o izmjeni i dopuni Statutarne odluke o organizaciji
Prijelazne vlasti općine Zavidovići

Član 1:

U Statutarnoj odluci o organizaciji Prijelazne vlasti općine Zavidovići (Službeni glasnik općine Zavidovići, broj 4/95 i 10/96), naziv teksta mijenja se i glasi: "Statut Općine Zavidovići."

Član 2.

U članu 1. riječi: "Statutarnom odlukom", zamjenjuje se riječju: "Statut", a riječi: "prijelazne", u različitim padežima, brišu se.

Član 3.

U članu 3. stav 1. alineja 7. briše se.

Član 4.

Član 6. briše se.

Član 5.

Član 7. mijenja se i glasi:

"Općinsko vijeće se konstituira od vijećnika koji budu izabrani demokratskim putem na neposrednim i tajnim izborima na cijelom području općine. Općinsko vijeće broji 31 (tridesetjednog) vijećnika."

Član 6.

U članu 8. stav 1. mijenja se i glasi:

"Općinsko vijeće na svojoj prvoj sjednici nakon održanih demokratskih i tajnih izbora, vrši izbor predsjedavajućeg vijeća, zamjenika predsjedavajućeg vijeća i pomoćnika predsjedavajućeg vijeća, te vrši izbor općinskog načelnika, predsjednike i članove stalnih radnih tijela i sekretara Općinskog vijeća."

Član 7.

U članu 8. stav 6. mijenja se i glasi:

"Prava i odgovornost predsjedavajućeg, zamjenika i pomoćnika predsjedavajućeg Općinskog vijeća, utvrdit će se Poslovníkom Općinskog vijeća Zavidovići."

- 517 -

Član 8.

Član 9. briše se.

Član 9.

Član 10. mijenja se i glasi:

"Prijedlog kandidata za izbor u organe iz člana 8. ovog Statuta utvrđuje Komisija za izbor i imenovanja Općinskog vijeća."

Član 10.

Član 11. briše se.

Član 11.

Član 12. briše se.

Član 12.

U članu 13. riječi: "prijelaznog i prijelazno", brišu se.

Član 13.

U članu 14. iza riječi: "Hercegovine", stavlja se zarez i dodaju riječi: "Ustava Bosne i Hercegovine, Ustava Zeničko-dobojskog kantona", a riječi: "i ovom Statutarnom odlukom", brišu se.

Član 14.

Ova odluka stupa na snagu prvog narednog dana od dana objavljivanja u Službenom glasniku općine Zavidovići.

OPĆINA ZAVIDOVIĆI
- OPĆINSKO VIJEĆE -

Broj: 01-023-42

Datum, 2.2.1998.godine

PREDSJEDAVAJUĆI
OPĆINSKOG VIJEĆA

prof.dr Refik Čatić, s.r.

- 518 -

Na osnovu člana 31. stav 1. i 2. zakona o komunalnoj djelatnosti (Službeni list SRBiH, broj 20/90) i člana 3. Statuta općine Zavidovići, Općinsko vijeće Zavidovići na 3. sjednici od 2.2.1998.godine, donijelo je

ODLUKU

o prestanku rada Samoupravne interesne zajednice stanovanja i komunalnih djelatnosti

Član 1.

Samoupravna interesna zajednica stanovanja i komunalnih djelatnosti Zavidovići prestaje sa radom 31.12.1990.godine.

Član 2.

Poslove i zadatke Samoupravne interesne zajednice stanovanja i komunalnih djelatnosti preuzima JKP "Radnik" Zavidovići u dijelu koji se odnosi na stambenu oblast, a poslove i zadatke iz komunalnih djelatnosti preuzima Općinski sekretarijat za privredne djelatnosti.

Član 3.

Neizgrađeno građevinsko zemljište koje je uknjiženo u Općinskoj upravi za geodetske poslove i katastar nekretnina na Samoupravnoj interesnoj zajednici stanovanja i komunalnih djelatnosti općine Zavidovići katastarski će se uknjižiti na Općinu Zavidovići, kao korisnika.

Član 4.

Stanove i garaže koje su bile u vlasništvu Samoupravne interesne zajednice stanovanja i komunalnih djelatnosti preuzima u vlasništvo Općine Zavidovići.

Član 5.

Opremu, inventar i druge pokretne stvari kao i arhivu, predmete i drugu dokumentaciju, sredstva za rad, kao i novčana sredstva koja se nalaze na računima kod banaka, a vlasništvo su Samoupravne interesne zajednice stanovanja i komunalnih djelatnosti preuzima JKP "Radnik" Zavidovići.

Član 6.

Poslovni prostor na pijaci u površini od 33 m², kojeg koristi JP "Veterinarska stanica" dodjeljuje se Općini Zavidovići u vlasništvo.

Poslovni prostor na pijaci u površini od 31 m² kojeg je koristila Mijatović Olga, preuzima u vlasništvo Općina Zavidovići.

Član 7.

Odluka stupa na snagu osmog dana od dana objavljivanja u Službenom glasniku općine Zavidovići.

OPĆINA ZAVIDOVIĆI

- OPĆINSKO VIJEĆE -

Broj: 01-023-30

Datum, 2.2.1998.godine

PREDSJEDAVAJUĆI

OPĆINSKOG VIJEĆA

dr Refik Čatić, s.r.

Na osnovu člana 16. Zakona o osnovnoj školi (Službene novine Zeničko-dobojskog kantona, broj 5/97) i člana 3. Statutarne odluke o organizaciji Općinske vlasti Zavidovići (Službeni glasnik općine Zavidovići, broj 4/95), Općinsko vijeće Zavidovići na 3. sjednici održanoj 2.2.1998.godine, donijelo je,

O D L U K U

o utvrđivanju prijedloga školskih područja osnovnih škola na općini Zavidovići

I

Ovom Odlukom utvrđuje se prijedlog školskih područja općine Zavidovići sa kojeg je redovna osnovna škola obavezna da primi školske obveznike.

II

Redovna osnovna škola može na svom školskom području organizovati područne škole sa jednim ili više odjeljenja u skladu sa Pedagoškim standardima.

III

Osnovne škole na području općine Zavidovići su: Javna ustanova "Prva osnovna škola" Zavidovići; Javna ustanova "Druga osnovna škola" Zavidovići; Javna ustanova "Osnovna škola Kovači" Kovači; Javna ustanova "Osnovna škola Gostović" Gostović; Javna ustanova "Osnovna škola Hajderovići" Pašinkonak; Javna ustanova "Osnovna škola Vozuća" Vozuća.

IV

1. Javna ustanova "Prva osnovna škola" Zavidovići

a) Centralna škola: Petkovići, Potklečje, Skroze, Dolovi i naselja uz Gostović do 4 km, odnosno naselja na desnoj obali rijeke Bosne do Dabića kuća, do granične linije sa područjem Druge osnovne škole, a ide od ul. dr. Pinkasa Bandta pored Samačke zgrade broj 22 koja pripada području Druge osnovne škole, a zatim ide dalje prema jugu Bolničkim potokom, stepenicama prema Naselju Solidarnosti, a odatle bezimenom ulicom do ul. Abdulvehaba Ilhamije. Granična linija ide dalje ul. Abdulvehaba Ilhamije do raskrsnice sa ul. Narodnog fronta te se nastavlja bezimenom ulicom između stambenih objekata broj 27. i 29., a produžava se između kuća Stevanović Premila i Salkanović Omera gdje izlazi na ul. Voćarski put. Području Prve osnovne škole pripadaju sva naselja sa dnesne strane ove granične linije.

b) Područna škola Lovnica: Gornja Lovnica i Donja Lovnica.

c) Područna škola Mećevići: Mećevići, Grab i Krčevine.

Kazići Donja Blizna i Dolac.

2. Javna ustanova "Druga osnovna škola" Zavidovići,

a) Centralna škola: Ridžali, Biljačić, Džebe, Vrbića, Donja Vrbića, Debelo Brdo, Dubravica, Majdan, Naselje grada Zavidovići na lijevoj obali rijeke Bosne. Na desnoj obali rijeke Bosne: Krivajska ulica, Ul. Gazija, Česme, Romsko naselje, Dragovački put, Abdulvehaba Ilhamije, Naselje solidarnosti (dio), granična linija u odnosu na školsko područje Prve osnovne škole počinje od ul. dr. Pinkasa Bandta pored Samačke zgrade br. 22, Bolničkim potokom i stepenicama prema Naselju solidarnosti, a odatle bezimenom ulicom do ul. Abdulvehaba Ilhamije sa stambenim objektima broj 9/A i 11 do raskrsnice sa ul. Narodnog fronta. To školi pripadaju objekti pod brojem 42 i 32 i svi objekti lijevo od njih. Granica ide dalje bezimenom ulicom između stambenih objekata 27 i 29 i izlazi na ul. Voćarski put, presijeca ul. Markovac i silazi do Romskog naselja.

Učenici sa područja MZ Ružnica (dio koji gravitira uz samu rijeku), nakon završetka 4 razreda i polaska u 5 razred mogu biti upisani u Drugu osnovnu školu.

b) Područna škola Dolina: Alići i Dolina.

c) Područna škola Vinište: dio sela Osove, Vinište, Knezovići.

d) Područna škola Lug: Lug i Brankovići.

3. Javna ustanova "Osnovna škola Kovači" - Kovači:

a) Centralna škola: Stavci, Brijeg, Džinići, Dragojevići, Gornji Kovači, Vrela, Karalići, Žižci, Hrkići, Stanica Kovači, Donji Vikovići, Gornji Vikovići, Donji Mustajbašići, Gornji Mustajbašići i Bare (dio).

b) Područna škola Brezik: Krajnići, Memići, Brezik polje, Brašljevine, Hum, Lug, Brezik selo, Bare (dio).

c) Područna škola Smailbašići: Curići, Lazendići, Šadići, Krivajska stanica, Smailbašići, Tunjik, Sjenokos, Podmalovan, Božići, Tripunovići.

4. Javna ustanova "Osnovna škola Gostović" - Gostović:

a) Centralna škola: Tribići, Lug, Sinanovići, Vukmanovići, Čardak, Pejići, Drakulići, Borovnica, Stipovići (dio), Kućice.

b) Područna škola Mahoje: Mahoje, Potok, Žuber, Volujak, Brdo, Žioke, Oštrić,

c) Područna škola Bajvati: Bajvati, Beše i Lijevča.

d) Područna škola Grabovica: Dedići, Grabovica, Velići, Mrdani,

e) Područna škola Priluk: Priluk, Dabići, Lazići, Veselinovići,

f) Područna škola Mitrovići: Mitrovići, kamenica, Stojanovići,

g) Područna škola Poljice: Poljice, Prnjavor, Marušići, Fojnica, Paravci, Stipovići (dio),

5. Javna ustanova "Osnovna škola Hajderovići" - Pašin Konak

a) Centralna škola: Mujkići, Imamovići, Brdo, Garići, Lišići, Bratanovići, Borik, Vučije polje, Rudače, Pašin konak, Kuvelj, Omar, Osmići,

Omići, Merdanovići, Dedići, Pluževine, Granja, Krušćice, Kljenik, Tursići, Horozovići, Horozovina Krčevina (Junuzovići), Mramorje, Slana bara, Mednjik, Laz, Huskići, Huskića brdo, Delići, Livade, Keseri, Kuljani, Hasanovići i Suljići.

b) Područna škola Rujnica: Mednjik, Huskići, Jolde, Luke, Selište, Do, Blizna gornja, Hadrovići, Tursići, Kazići.

c) Područna škola Karačići: Karačić Gornji, Karačić Donji, Riječani, Čevaljuša, Brezici.

6. Javna ustanova "Osnovna škola Vozuća" - Vozuća

a) Centralna škola: Pantelići, Mitrovice, Stakići, Vukovine, Donji Delići, Cvjetovine, Šiktari, Zabici, Brdo, Zabrd, Gare, Misarada, Turčinovići, Vasovine, Stošnica, Miljevići, Pejići, Potkočarin, Maričići, Gaj, Bukvići, Predrazi Donji, Panići.

b) Područna škola Ribnica: Predražići, Vračevac, Čizme, Mujići, Ribnica, Gornja Gosovica, Džine, Nišani, Donja Gosovica, Prisjeka, 29-kilometar.

c) Područna škola Maoča: Gornja Dištica, Zatine, Ivanovići, Maoča, Stipin Han.

d) Područna škola Slivići: Gornje Vukovine, Osječani, Podobala, Bara, Crnjevo, Vildani, Krš.

e) Područna škola Kalaiši: Kalaiši, Jeličići, Bučje, Lipa, Pašalići Dozići, Bare, Predrazi gornji.

f) Područna škola Stog: Stog, Hrge, Kamenica, Stari Stog, Podvoljak, Polje, Hodžići, Trnići, Vasići, Medići.

V

Učenici od I do IV razreda pohađaju nastavu u svojoj područnoj ili centralnoj školi.

Učenici od V-VIII razreda po pravilu pohađaju nastavu u svojoj centralnoj školi.

VI

Odluka stupa na snagu danom donošenja, a naknadno će se objaviti u Službenom glasniku općine Zavidovići.

OPĆINA ZAVIDOVIĆI

- OPĆINSKO VIJEĆE -

Broj: 01-023-3

Datum, 2.2.1998.godine

PREDSJEDAVAJUĆI
OPĆINSKOG VIJEĆA

prof.dr Refik Čatić, s.r.

- 523 -

Na osnovu člana 4. Zakona o naknadama plata poslanika i platama funkcionera koje biraju ili imenuju skupštine društveno-političkih zajednica Službeni list RBiH, broj 8/93, 24/93 i 13/94) i člana 3. Statutarne odluke o organizaciji vlasti općine Zavidovići, Općinsko vijeće Zavidovići na 3. sjednici od 2.2.1998.godine, donijelo je:

O D L U K U

o izmjenama Odluke o osnovama i načinu isplate naknada i drugih primanja vijećnika i drugih radnih tijela Općinskog vijeća

Član 1.

U Odluci o osnovama i načinu isplate naknada i drugih primanja vijećnika i drugih radnih tijela Općinskog vijeća i općinskih organa (Službeni glasnik općine Zavidovići, broj 4/91 i 4/96), član 8. mijenja se i glasi:

"Član 8.

Vijećnicima Općinskog vijeća za učestvovanje u pripremi sjednica vijeća i za rad na sjednicama vijeća, pripada naknada u iznosu od 100 Km (sto konvertibilnih maraka) po održanoj sjednici vijeća, a predsjedavajućem Općinskog vijeća 150 Km."

Isplata se vrši doznačivanjem sredstava parlamentarnim strankama koje imaju vijećnike u Općinskom vijeću.

Član 2.

Iza člana 8. dodaje se novi član 8a., koji glasi:

"Član 8a.

Članovima stalnih i povremenih radnih tijela Općinskog vijeća za učestvovanje u pripremi sjednica vijeća i za rad na sjednicama stalnih ili povremenih radnih tijela vijeća, pripada naknada u iznosu od 30 Km (trideset konvertibilnih maraka), po održanoj sjednici komisije."

Član 3.

Ovlašćuje se Služba Općinskog vijeća, Općinskog načelnika i općinskih organa da sačini prečišćeni tekst ove odluke i da ga objavi u Službenom glasniku općine Zavidovići.

- 524 -

Član 4.

Odluka stupa na snagu prvog narednog dana od dana objavljivanja u Službenom glasniku općine Zavidovići, a primjenjuje se od 6.11.1997.godine.

OPĆINA ZAVIDOVIĆI
- OPĆINSKO VIJEĆE -

Broj: 01-023-1/98

Datum, 2.2.1998.godine

PREDSJEDAVAJUĆI
OPĆINSKOG VIJEĆA

prof.dr Refik Čatić, s.r.

Na osnovu člana 19. Zakona o prometu nepokretnosti (Službeni list SRBiH, broj 38/78, 4/83, 22/90, 22/91), (Službeni list RBiH, broj 21/92, 3/93, 13/94 i 18/94), člana 4. Pravilnika o postupku javnog nadmetanja za prodaju nepokretnosti u društvenoj svojini (Službeni list SRBiH, broj 28/79) i člana 3. Statutarne odluke o organizaciji vlasti općine Zavidovići, Općinsko vijeće Zavidovići na 3. sjednici, održanoj 2.2.1998. godine, d o n o s i

O D L U K U

o javnoj prodaji, uslovima i načinu
javne prodaje

Član 1.

Općina Zavidovići prodaje nepokretnosti, označene sa k.č. 65/1 u površini od 764 m², pašnjak i k.č. 73, površine 657 m², pašnjak obje upisane u p.l. 117, K.O. Vozuća kao posjed - DR SV SO-e Zavidovići (u daljem tekstu: nepokretnosti).

Član 2.

Nepokretnosti se mogu koristiti isključivo za izgradnju poslovnih objekata i zanatskih radnji u skladu sa urbanističkim rješenjima.

Član 3.

Prodaja nepokretnosti iz člana 1. će se izvršiti putem pribavljanja pismenih ponuda od zainteresovanih lica.

Član 4.

Prometnu vrijednost nepokretnosti utvrdit će Komisija za procjenu vrijednosti nepokretnosti.

Član 5.

Uz ponudu iz člana 2. ove odluke mora se priložiti dokaz o plaćenju kauciji u iznosu 10% od početne prodajne cijene koja je jednaka prometnoj vrijednosti nepokretnosti. kaucija iz prethodnog stava će se uplatiti na račun općine broj _____.

Član 6.

Prodaje nepokretnosti bit će objavljena putem oglasa u sredstvima javnog informisanja (Radio-Zavidovići) i na oglasnoj tabli općine.

Oglas o prodaji se ima objaviti u roku od 15 dana od dana usvajanja ove odluke i ostati otvoren u daljenjem roku od 15 dana.

- 526 -

Član 7.

Postupak prodaje sprovodi Komisija za javnu prodaju nepokretnosti, koju će imenovati Općinsko vijeće.

Član 8.

Ako ne uspije prva prodaja nepokretnosti, prodaja se ponavlja na isti način. Ukoliko ne uspije ni ponovljena prodaja nepokretnosti, prodaja će biti izvršena neposrednom pogodbom.

Član 9.

Zadužuje se Općinski načelnik da u ime Općine Zavidovići zaključi ugovor sa ponudačem čija ponuda bude najpovoljnija.

Član 10.

Ugovor se može zaključiti tek po isplati kupovne cijene, o čemu je kupac s kojim se ugovor zaključuje dužan podnijeti dokaz.

Član 11.

Danom zaključivanja ugovora o kupoprodaji nepokretnosti kupac može stupiti u posjed predmetne nekretnine, a pravo vlasništva stiče danom upisa u katastar nekretnina.

Član 12.

Za realizaciju ove odluke zadužuje se Općinska uprava za geodetske poslove i katastar nekretnina, Komisija za javnu prodaju nepokretnosti i Općinski načelnik.

Član 13.

Odluka stupa na snagu danom donošenja i ima se objaviti u Službenom glasniku općine Zavidovići.

OPĆINA ZAVIDOVIĆI

OPĆINSKO VIJEĆE

Broj: 01-475-2

Datum, 2.2.1998.godine

PREDSJEDAVAJUĆI
OPĆINSKOG VIJEĆA

prof.dr Refik Ćatić, s.r.

Na osnovu člana 3. Zakona o ustanovama (Službeni list RBiH, broj 6/92, 8/93 i 13/94) i člana 3. Statutarne odluke o organizaciji vlasti (Službeni glasnik općine Zavidovići, broj 4/95), Općinsko vijeće Zavidovići, na 3. sjednici održanoj 02.02.1998.godine, d o n o s i

O D L U K U

o organizovanju Javne ustanove "Dom zdravlja"
Z a v i d o v i ć i

I - OPĆE ODREDBE

Član 1.

Za obavljanje javne službe u smislu Zakona o ustanovama, Općina Zavidovići zadržava pravo osnivača prema Javnoj ustanovi "Dom zdravlja" Zavidovići (u daljem tekstu: Dom zdravlja), organizovanjem od OOUR-a Dom zdravlja Zavidovići, upisan u sudski registar pod brojem U/I-657/84 od 31.12.1998.godine, u registarski uložak broj 1-466-06.

Sredstva, prava i obaveze dosadašnjeg OOUR-a Dom zdravlja Zavidovići stvorene do upisa preuzima Javna ustanova "Dom zdravlja" Zavidovići, a prema bilansu stanja 31.12.1997.godine, i to:

objekti vrijednosti _____ KM, zemljište vrijednosti _____ KM,
oprema vrijednosti _____ KM, novčana sredstva prema bilansu vrijednosti _____ KM, što sve ukupno iznosi _____ KM.

II - NAZIV, SJEDIŠTE I PRAVNI STATUS

Član 2.

Naziv Doma zdravlja je: JAVNA USTANOVA "DOM ZDRAVLJA" ZAVIDOVIĆI.

Sjedište Doma zdravlja je u Zavidovićima, Ulica Gazi-husref begova broj 25.

Dom zdravlja je Javna ustanova u državnoj svojini sa svojstvom pravnog lica, sa potpunom odgovornošću.

III - DJELATNOSTI

Član 3.

Dom zdravlja organizuje i sprovodi primarnu zdravstvenu zaštitu stanovništva na području općine Zavidovići.

Izuzetno od odredbe prethodnog stava Dom zdravlja organizuje i sprovodi određene vidove konsultativno-specijalističke zdravstvene zaštite pod uslovima utvrđenim zakonom.

Član 4.

Djelatnost Doma zdravlja u skladu sa Odlukom o standardnoj klasifikaciji djelatnosti (Službeni list RBiH broj 1/95 i 28/95).

85.110 Djelatnost bolnice:

- stacionarne usluge porodiljama,
- centri za rehabilitaciju,

85.120 Djelatnost medicinske prakse

85.130 Djelatnost zubarske prakse

85.140 Ostala zdravstvena zaštita ljudi

73.300 Tehničko ispitivanje i analize:

- mjerenja u vezi sa čistoćom vode,
- ispitivanje higijene hrane.

Djelatnost Doma zdravlja obuhvaća:

- rano otkrivanje, sprječavanje i suzbijanje uzroka oboljevanja i povredivanja,
- sudjelovanje u podizanju i održavanju psihofizičke i zdravstvene sposobnosti radnika za rad,
- briga za očuvanje zdravlja i liječenje svih članova porodice,
- provođenje mjera zdravstvene zaštite i briga o zdravstvenom stanju i unapređenju zdravlja učenika, studenata, omladine, sportaša i ocjena njihovih sposobnosti za školovanje i rad, kao i mjere zdravstvene zaštite i briga o zdravstvenom stanju građana starijih od 65 godina, invalida i drugih osoba,
- zdravstvenu zaštitu nespecifičnih i specifičnih plućnih oboljenja
- praćenje higijensko-epidemiološke situacije u životnoj i radnoj okolini uz preduzimanje potrebnih mjera,
- provodi edukaciju zdravstvenih radnika.

U okviru svoje djelatnosti Dom zdravlja provodi:

- mjere zdravstvene zaštite djece predškolskog uzrasta, brigu o njihovom zdravstvenom stanju i unapređenju zdravlja i učestvuje u podizanju psihofizičke sposobnosti,
- brigu o zdravstvenoj zaštiti žena za vrijeme trudnoće, poroda i nakon poroda, te o drugim zdravstvenim potrebama žena,
- mjere za promociju prirodne ishrane dojenčeta-dojenja,
- mjere zdravstvene zaštite osoba sa smetnjama u razvoju,
- ispitivanje nepovoljnog uticaja okoline na zdravstveno stanje i zdravstvenu sposobnost radnika za rad i drugih građana,
- hitnu medicinsku pomoć,
- liječenje u ordinaciji, odnosno u stanu osiguranika, odnosno građanina,
- kurativne i rehabilitacijske mjere,
- mjere prevencije, liječenja i saniranja usta i zubi,
- snabdijevanje lijekovima i drugim sredstvima za liječenje,
- upućivanje pacijenata na specijalističko-konsultativne preglede, bolničko i drugo liječenje, te provođenje posthospitalnog postupka.

Dom zdravlja obavlja:

- stacionarne usluge porodilja,
- ispitivanje čistoće vode i higijene hrane,
- laboratorijsku, radiološku i drugu dijagnostiku,
- vođenje evidencija i dokumentacija u skladu sa posebnim propisima
- polivalentnu patronažnu službu,
- specifičnu zdravstvenu zaštitu radnika,
- ambulantni prevoz pacijenata,
- druge poslove utvrđene zakonom.

Član 5.

Poslovi i zadaci u okviru Doma zdravlja obavljaju se u organizacionim jedinicama (ambulante, službe, dispanzeri, centri), utvrđenim Statutom i aktom o unutrašnjoj organizaciji u skladu sa zakonom.

Organizacione jedinice iz prethodnog stava nemaju svojstvo pravnog lica.

Član 6.

Dom zdravlja ne može proširiti ili promijeniti djelatnost bez saglasnosti osnivača.

Član 7.

Sredstva za rad Doma zdravlja obezbjeđuju se iz:

- sredstva osnivača,
- budžeta općine,
- naknada za obavljanje zdravstvenih usluga,
- ličnog učešća korisnika zdravstvenih usluga,
- drugih izvora pod uslovima određenim zakonom.

IV - ORGANI UPRAVLJANJA

Član 8.

Organ upravljanja u Domu zdravlja je Upravni odbor.
Upravni odbor ima pet članova i čine ga predstavnici:

- osnivača - tri (3) člana,
- zdravstvenih radnika Doma zdravlja - jedan (1) član,
- kantonalnog ministarstva - jedan (1) član.

Predsjednika i članove Upravnog odbora imenuje i razrješava Općinsko vijeće, uz prethodnu saglasnost kantonalnog ministra zdravlja.

Sastav članova Upravnog odbora i način izbora bliže se utvrđuje Statutom Doma zdravlja u skladu sa zakonom.

Član 9.

Upravni odbor Doma zdravlja nadležan je za:

- donošenje Statuta, općih akata, planova rada i razvoja ustanove,
- imenuje i razrješava direktora,
- donošenje finansijskog plana i usvajanje godišnjeg obračuna,
- odlučuje o svim pitanjima obavljanja djelatnosti,
- usmjerava, kontroliše i ocjenjuje rad direktora,
- rješava o pitanjima iz oblasti sa osnivačem,
- podnosi osnivaču izvještaje o rezultatima rada i poslovanja ustanove,
- odlučuje po prigovorima radnika na rješenja kojima se odlučuje o njihovim pravima, obavezama i odgovornostima,
- vršenje i drugih poslova u skladu sa zakonom i Statutom ustanove.

V - ORGAN RUKOVODENJA

Član 10.

Organ rukovođenja Doma zdravlja je direktor.

Direktor organizuje i rukovodi radom ustanove, zastupa i predstavlja ustanovu prema trećim licima i odgovoran je za zakonitost rada ustanove.

Član 11.

Direktora ustanove imenuje i razrješava Upravni odbor u skladu sa zakonom i Statutom Doma zdravlja, uz saglasnost izvršnog organa općine.

Član 12.

Direktor ustanove imenuje stručno vijeće koje sačinjavaju rukovodioci organizacionih jedinica.

Stručno vijeće je savjetodavni organ direktora sa kompetencijama utvrđenim u zakonu i Statutu.

VI - NADZORNI ODBOR

Član 13.

Organ kontrole poslovanja u Domu zdravlja je Nadzorni odbor.

Nadzorni odbor Doma zdravlja ima tri člana.

Predsjednika i članove Nadzornog odbora imenuje i razrješava izvršni organ općine.

Jedan član Nadzornog odbora imenuje se iz reda stručnih radnika Doma zdravlja.

Sastav članova Nadzornog odbora i nadležnosti bliže se utvrđuju Statutom Doma zdravlja u skladu sa zakonom.

VII - ODGOVORNOST U PRAVNOM PROMETU

Član 14.

Dom zdravlja je odgovoran za svoje obaveze sredstvima sa kojima raspolaže. Dom zdravlja u pravnom prometu s trećim licima zaključuje ugovore i sve druge poslove i radnje u okviru svoje pravne sposobnosti i djelatnosti.

Osnivač ne odgovara za obaveze Doma zdravlja.

Dom zdravlja je dužan da pokrije višak rashoda nad prihodima u roku od 60 dana od dana usvajanja godišnjeg obračuna Doma zdravlja.

Osnivač je dužan da razriješi predsjednika i članove Upravnog odbora Doma zdravlja ako je za dvije uzastopne godine u godišnjem obračunu iskazivao višak rashoda nad prihodima.

U slučaju iz stava 5. ovog člana Upravni odbor dužan je da razriješi direktora Doma zdravlja.

VIII - OSTVARIVANJE JAVNOG INTERESA

Član 15.

Javni interes se ostvaruje preko Općinskog vijeća kao osnivača i Općinskog načelnika u skladu sa zakonom, Statutom Doma zdravlja i ovom Odlukom.

Općinsko vijeće:

- daje saglasnost na Statut i akt o unutrašnjoj organizaciji Doma zdravlja,
- daje saglasnost na planove razvoja Doma zdravlja, mjere za njihovu realizaciju i na izvještaje o izvršenju planova razvoja,
- razmatra izvještaje o poslovanju Doma zdravlja,
- imenuje Upravni odbor Doma zdravlja,
- daje saglasnost na statusne promjene, promjenu djelatnosti, naziva i sjedišta Doma zdravlja,
- poduzima mjere u slučaju poremećaja u poslovanju Doma zdravlja u skladu sa zakonom.

Općinski načelnik:

- daje saglasnost na izbor i imenovanje direktora.

Član 16.

Općinsko vijeće putem nadležnog organa ima pravo kontrole ispunjavanja javnog interesa, racionalnosti poslovanja Doma zdravlja i namjenskog trošenja sredstava.

Kontrola iz prethodnog stava ostvaruje se podnošenjem i razmatranjem godišnjeg izvještaja o poslovanju Doma zdravlja.

Podnošenje izvještaja obavezno je i u kraćim rokovima na zahtjev Općinskog vijeća.

IX - MEĐUSOBNI ODNOSI DOMA ZDRAVLJA I OSNIVAČA

Član 17.

Međusobni odnosi Doma zdravlja i osnivača regulisat će se Statutom ustanove u skladu sa zakonom i ovom odlukom.

Član 18.

Višak prihoda nad rashodima Dom zdravlja koristi uz saglasnost osnivača.

Član 19.

O statusnim promjenama Doma zdravlja odlučuje osnivač.

U slučaju statusne promjene Doma zdravlja imovinska i druga prava i obaveze ureduju se odlukom.

X - POSEBNE ODREDBE

Član 20.

Radnici ostvaruju svoja prava u Domu zdravlja u skladu sa zakonom, kolektivnim ugovorom i Statutom Doma zdravlja.

Član 21.

Osnovni opći akt Doma zdravlja je Statut Doma zdravlja.

- 532 -

Član 22.

Upravni odbor Doma zdravlja će donijeti Statut Doma zdravlja u roku od 60 dana od dana imenovanja Upravnog odbora.

Obaveza direktora Doma zdravlja je da izvrši upis Doma zdravlja u sudski registar ustanova i da organizuje rad Doma zdravlja u skladu sa zakonom i ovom odlukom.

XI - PRELAZNE I ZAVRŠNE ODREDBE

Član 23.

Ova odluka predstavlja akt na osnovu koga će se izvršiti upis Doma zdravlja u sudski registar ustanove, te izvršiti brisanje OOUR-a Dom zdravlja iz sudskog registra.

Član 24.

Danom stupanja na snagu ove odluke, Dom zdravlja preuzima objekte i opremu, prava i obaveze bivše OOUR-a Dom zdravlja Zavidovići.

Objekti i oprema iz prethodnog stava su svojina osnivača.

Član 25.

Ova odluka stupa na snagu danom donošenja, a objavit će se u Službenom glasniku općine Zavidovići.

OPĆINA ZAVIDOVIĆI

OPĆINSKO VIJEĆE -

Broj: 01-023-4

Datum, 2.2.1998.godine

PREDSJEDAVAJUĆI

OPĆINSKOG VIJEĆA

prof.dr Refik Čatić, s.r.

Na osnovu člana 3. Statutarne odluke o organizaciji općinske vlasti Zavidovići (Službeni glasnik općine Zavidovići, broj 4/95), Općinsko vijeće Zavidovići na 3. sjednici održanoj 02.02.1998.godine, donijelo je

ZAKLJUČAK

1. Prihvata se Informacija o pitanjima vezanim za gradsko građevinsko zemljište, koju je uradila Općinska uprava za geodetske poslove i katastar nekretnina.

2. Svi postojeći korisnici (zakupci) gradskog građevinskog zemljišta a kome su izgrađeni privremeni poslovni objekti, a nemaju sa Općinom zaključen ugovor o zakupu zemljišta, obavezni su da to učine do 01.3.1998.godine. Koliko ne dođe do zaključenja ugovora u dostavljenom roku objekti koje koriste biće uklonjeni i zemljište dovedeno u stanje prije izgradnje objekta.

3. Ugovori, odnosno anexi na punovažne ugovore zaključuju se najduže na period do 31.12.1998.godine, odnosno do usvajanja provedbenog Regulacionog plana naselja "Centar I" i odluke o provođenju Regulacionog plana.

4. ugovor se neće zaključiti odnosno produžiti sa fizičkim i pravnim licima koja ne izmire svoja dugovanja zaključno sa 31.12.1997.godine.

5. Zadužuje se direktor Općinske uprave za geodetske poslove i katastar nekretnina da obavijesti Općinsko pravobranilaštvo da preduzme pravne radnje radi utuženja potraživanja protiv svih fizičkih i pravnih lica koja u roku do 01.3.1998.godine ne izmire sve svoje zaostale obaveze iz ugovora o zakupu gradskog građevinskog zemljišta.

6. Svi privremeni poslovni objekti kod kojih korisnici nemaju zaključene ili produžene ugovore o zakupu gradskog građevinskog zemljišta u istom roku do 30 dana imaju da se poruše, a zemljište dovede u stanje u kakvom je bilo prije uzimanja istog u zakup, zašto se zadužuje nadležna inspekcija.

7. Zaključak stupa na snagu danom donošenja, a biće objavljen u službenom glasniku općine Zavidovići.

OPĆINA ZAVIDOVIĆI

PREDSJEDAVAJUĆI
OPĆINSKOG VIJEĆA

OPĆINSKO VIJEĆE -

prof.dr Refik Čatić, s.r.

broj: 01-475-4/98

datum, 2.2.1998.godine

- 534 -

II - AKTI OPĆINSKOG NAČELNIKA

Na osnovu člana 5. Odluke o osnovama i načinu isplate naknada i drugih primanja vijećnika u Općinskom vijeću i članovima komisija i drugih radnih tijela Općinskog vijeća i općinskih organa (Službeni glasnik općine Zavidovići, broj 4/91, 4/96 i 3/97), Općinski načelnik Zavidovići, dana 5.1.1998. godine, donio je

R J E Š E N J E

o dopuni Rješenja o određivanju naknade predsjedniku i članovima stalnih i povremenih radnih tijela koje imenuje Općinski načelnik i općinski organi uprave i službe

I

U tački X Rješenja o određivanju visine naknade predsjedniku i članovima stalnih i povremenih radnih tijela koje imenuje Općinski načelnik i općinski organi uprave i službe, iza stava 2. dodaje se novi stav 3. koji glasi:

"Radnici koji obavljaju poslove i radne zadatke na zaključivanju braka van redovnog radnog vremena, kao i u neradne dane i dane državnih praznika pripada naknada u visini od 6 (šest) KM po započetom satu rada."

II

Rješenje stupa na snagu danom donošenja, a objaviti ga u Službenom glasniku općine Zavidovići.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

- OPĆINSKI NAČELNIK -

Broj: 01-012-2

Datum, 5.1.1998.godine

OPĆINSKI NAČELNIK

Husein Zilkić, dipl.ing.maš., s.r.

S A D R Ź A J

Strana

I - AKTI OPĆINSKOG VIJEĆA

1. ODLUKA o izmjeni i dopuni Statutarne odluke o organizaciji Prijelazne vlasti općine Zavidovići 516
2. ODLUKA o prestanku rada Samoupravne interesne zajednice stanovanja i komunalnih djelatnosti 518
3. ODLUKA o utvrđivanju prijedloga školskih područja osnovnih škola na općini Zavidovići 520
4. ODLUKA o izmjenama Odluke o osnovama i načinu isplate naknada i drugih primanja vijećnika i drugih radnih tijela Općinskog vijeća 523
5. ODLUKA o javnoj prodaji, uslovima i načinu javne prodaje 525
6. ODLUKA o organizovanju Javne ustanove "Dom zdravlja" Zavidovići 527
7. ZAKLJUČAK o prihvatanju Informacije o pitanjima vezanim za gradsko građevinsko zemljište koje je uradila Općinska uprava za geodetske poslove i katastar nekretnina 533

II - AKTI OPĆINSKOG NAČELNIKA

1. RJEŠENJE o dopuni Rješenja o određivanju naknade predsjedniku i članovima stalnih i povremenih radnih tijela koje imenuje Općinski načelnik i općinski organi uprave i službi 534